



Møteprotokoll for Kommunestyret

Møtedato: 20.09.2018
Møtestad: Konferanserommet
Møtetid: 09:00 - 14:00

I møtet vert det orientert om:

Oppfølging av raset ved fotballbana på Mobøen

Status for landbruket i Modalen

Status pleie og omsorgssektoren i Modalen

Status investeringsprosjekt teknisk sektor

Status barnehagesektoren i Modalen

Tvistesak

I tillegg vil Norsk Vind Energi informere om mogleg utredning av vindkraftprosjekt i Modalen

Frammøtte medlemmer	Parti	Rolle	Merknad
Tom Kristian Thorsen	SO	Ordfører	
Linda Neset	SO	Medlem	
Ann-Jorunn Farestveit	SO	Medlem	
Frank Stian Steinsland	SO	Medlem	
Håvard Engeseth	SO	Medlem	
Sigmund Vikane	SO	Medlem	
Robert Helland	SO	Medlem	
Kristin Nåmdal	SA	Varaordfører	
Liv Anne Aanesen	SA	Medlem	
Kjetil Eikefet	SA	Medlem	

Roger Wilhelm Fure	SA	Medlem	
Anne Britt Almelid	SA	Medlem	

Forfall meldt frå medlem:	Parti	Rolle	Merknad
Svanhild Moberg Nordaas	SA	Medlem	Meldt forfall

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Møtesekretær	
Ove Sæbø	Assisterande rådmann	Administrasjon	
Tone Selmer Skuggevik	Teknisk sjef	Administrasjon	

Sakliste

Saknr	Tittel
033/2018	Godkjenning av innkalling og sakliste
034/2018	Godkjenning av møtebok
035/2018	Orienteringssaker
036/2018	Avtale om veterinærtenester i Voss vest og Voss aust vakt-distrikt til år 2020
037/2018	Etablering av felles NAV-kontor saman med Masfjorden kommune og Gulen kommune.
038/2018	Oppgradering av fellesareal Modalstunet
039/2018	Søknad 2 om tilleggsopptak for startlån for vidareutdeling 2018

Notat frå møtet:

033/2018: Godkjenning av innkalling og saksliste

Behandling:

Samrøystes vedteke

Vedtak:

Innkalling og sakliste vert godkjent

034/2018: Godkjenning av møtebok

Behandling:

Samrøystes vedteke

Vedtak:

Møtebok vert godkjend slik ho ligg føre

035/2018: Orienteringssaker

Behandling:

Vegstandard Modalen

Kristin Nåmdal ba ordføraren orientere om status for vegstrekket Mo - Romarheim, samt Nordhordlandspakken. Etterspør i tillegg statusrapport for modalsvegen, jfr. KS-drøftingar; kva parti skal prioriterast til kva tid?

Ordførar: Noko tildeling gjort slik at enkle tiltak vart utført. Asfaltering vart utsatt grunna høge oljeprisar. Uklart utover dette. Vegvesenet orienterer på sine nettsider kva planar som ligg føre. Ordføraren har tatt kontakt med vegvesenet, men utan at det vart gjeve dekkande tilbakemelding. Ligg føre planar for 3 - 4 km asfaltering, samt nokre stikkrenner. Veg 569: ingen signal om tiltak. Ordføraren vil skrive brev til Statens vegvesen kor ein ber om tilbakemelding/plan for vidare framdrift. Dette må orienterast tilbake til kommunestyret.

Ordførar: Nordhordlandspakken: Lite nytt - prosjektering føregår. Sigmund Vikane: støttar Nåmdal i å vere aktive og gjere oss synlege i prosessen.

Status landbruket i Modalen

Landbrukssjef Laila Bjørge heldt presentasjon: Synte utvikling i bruk, landbruksareal/arealressursar og dyrehald. Vilt/hjort: tildelte og felte dyr, hogst. Div andre tiltak: bondelunsj, innsamling av landbruksplast, Smaken av Nordhordland m.m. Sigmund Vikane: Har kommunen gode tiltak for å sikre at bønder får gode kår (etablering/utvikling)? Bjørge: Næringsfondet har vore viktig (overtaking av gard, maskintilskot), fast kontaktperson i kommunen, Kari des Bouvrie (Landbruksavdelinga, Fylkesmannen): Orienterte om organisert beitebruk i utmark, tilskot, erstatningsordning avlingssvikt, FM har ei aktiv rolle i næringsutvikling på garden.

Ras v/ fotballbana

Rådmannen orienterte om hendinga/status. Tiltak på kort sikt; stenging og innhenting av kompetanse for vegen vidare. Teknisk sjef Tone S. Skuggevik orienterte nærare; Geolog har utarbeidd rapport. Framleis risiko for ras. Det har gått ras også tidlegare. Staden vert halden stengt inntil vidare. Fjellreinsking v.h.a. helikopter er førebels anbefalinga. Linda Neset: Korleis vurderer ein områda utover berre v/ bana m.o.t. rassikring? Skuggevik: i første omgang vert fokus på området ved fotballbana. Ordførar: finns det eit tidsplan? Rådmann: Ikkje avklara enno. Ein må avklare tiltak, samt kostnadsbilete.

Investeringsprosjekt 2018 - status

Teknisk sjef Tone S. Skuggevik orienterte om status for investeringsprosjekta i budsjettet for 2018: Asfaltering Helland: ferdig med, kjøkken barnehagen: ferdig, flytting VA-leidning Otterstad: på vent, oppgradering flytebrygge: under arbeid, flaumførebyggjing/utlaup Modalselva: i gang med prosessen, Oppgradering brannstasjon/industribygget: oppstart haust, digitalisering byggesaksarkiv: skjer fortløpande no, ventilasjonsanlegg bustad på Kleivane: ferdig, Sigmund Vikane: etterspurde nærare kostnadsbilete for brannstasjon? Skuggevik: ikkje avklara. Rådmannen: hurtigladestasjon: oppstart september 2018. Roger Fure: etterspør tal straumuttak langs bryggja. Skuggevik: økonomiske rammer tilseier noko reduksjon, men følg liggeplan for båthamna.

Pleie og omsorg - moglege tiltak for å halde budsjett.

Ass. rådmann orienterte om økonomi, samt tiltak som har kostnadseffekt. Medlevarturnus for sjukepleiarar f.o.m. jan 2019 er eit tiltak som har forventet effekt. Sigmund Vikane etterspør meir djuptgripande tiltak. T.d. å sjå på drifta som heilskap: kva type drift skal ligge til grunn. Rådmannen viste til at ein gjerne må sjå på det grunnleggande - kva type drift skal ein ha.

Norsk Vind Energi

Presentasjon vart halde av Espen B Christoffersen, Arne Lånke og Per O. Skorpen. - potensielt stort prosjekt - størst i Europa, eksisterende nett/infrastruktur er gode, positive tilbakemeldingar frå grunneigarar, har orientert ordførar/rådmann om sine idèar. Status: prøve å inngå avtalar med grunneigarar i haust. Sende melding om utgreiingsprogram til NVE. Denne vil komme ut på høyring i etterkant.

Presentasjon av selskapet. Synte fram vidare prosess fram mot evt. realisering av prosjekt. Ei evt. melding vil synleggjere ulike tema inn mot ein evt. søknad om konsesjon. Det vil innebere t.d. lokal verdiskaping m.m. Inngripen i t.d. Mostraumen m.m. vert greia ut i meldinga. Inngripen i naturen der vindparken skal vere: vegar, plasseringspunkt m.m. kan ikkje vere konkret på noverande tidspunkt - avhengig av endeleg plan. 70 møller gir ca. 35 km veg. Prognose: mindre enn 7 år frå oppstart til konsesjon.

Turlaget: orienterte om at meldingar òg har vore lagt vekk. Bad Norsk Vind Energi om å kommentar til nasjonale rammer for utvikling av vindkraft. Norsk Vind Energi er spent sjølve, men driv prosess parallelt. Norsk Vind følg utviklinga i NVE / erfaringar og søker å forholde seg til dette. Understrekar at

melding føl ein metodikk. Spm om storleik/teknologi: mogleg totalthøgde på ca. 300 m høgde. Mogleg lågare på høg fjell. Usikker på kva teknologi som finns om 5 - 7 år.
Kjetil Eikefet: stort og viktig spørsmål.

Tilleggsinformasjon på slutten av dagen:

Ordføraren orienterte om NVE-høyring. Det vert etterspurt informasjon av fagleg karakter som kunne fyller ut det informasjonsbiletet som NVE allereie har.

Kristin Nåmdal: Adm. bør skrive eit innspel til politisk handsaming som skal drøftast og sendast som innspel til NVE-høyring.

Setje ned hurtigarbeidande gruppe med ordførar, varaordførar og 1 stk. frå administrasjonen.

Status barnehagen

Styrrar Grete Urdal holdt presentasjon. Barnetal/-plassar, bemanning, satsingsområde, økonomi, nye utfordringar haust 2018, bemanningsnorm, pedagognorm, utfordringar i drifta: meir sårbart når bemanningsnorm vart nedjustert frå 1/5 til 1/6 (vaksen/barn). Har fått nytt kjøkken!

Rådmannen gjorde greie for forholda rundt bemanningsnorm, jfr. budsjettvedtak for 2018.

Tvistesak

Ordførar låg fram forslag om å lukke møtet i samband med orientering om status i tvistesak.

Forslaget om lukking av møtet under denne orienteringa er heimla i Kommuneleien § 31 pkt 4, som seier at eit folkevalgt organ kan vedta å lukke eit møte når omsynet til personvern krev det.

Føresegna krev at det må gjerast ei konkret vurdering der omsynet til personvern vert vegd opp mot ålmenta si interesse av å vere til stades under møtet. Kommunestyret var samrøystes i at i denne saka veg personvernet tyngst, og at møtet skal lukkast under ordføraren si orientering.

Vedtak:

Sakene vert tekne til orientering

036/2018: Avtale om veterinærtenester i Voss vest og Voss aust vaktistrikt til år 2020

Behandling:

Rådmannen orienterte om veterinær samarbeid med Voss aust og Voss vest vaktistrikt.

Sigmund Vikane: Korleis kan ein finansiere drift frå næringsfondet? Rådmannen: Dette er eit reint tilskot etter vurdering frå økonomisjefen. Kommunane betaler ikkje ut løn til veterinærane.

Sigmund Vikane låg fram forslag om tilleggspunkt i vedtaket: t Frå 2019 vert tilskotet til veterinær på kr. 140 833,-.

Rådmannen sitt framlegg med Vikane sitt tilleggspunkt vart samrøystes vedteke

Vedtak:

1. Modalen kommune løyver kr 157 500,- i tilskot for 2018, som er Modalen kommune sin eigenandel for å sikre tilgang på tenester frå dyrehelsepersonell i veterinæravktområdet (Voss vest og Voss aust). Tilskotet vert finansiert frå Næringsfondet. Frå 2019 vert tilskotet til veterinær på kr. 140 833,-.
2. Modalen kommune gjev si støtte til at Eidfjord kommune vert del av vårt geografiske veterinærrområde på dagtid.
3. Modalen kommune samtykker i at Voss kommune vert fast administrasjonskommune for veterinæravakt i Voss vest vakt-distrikt og Voss aust vakt-distrikt

Vedtaket vert grunnlagt med at kommunane i 2008 fekk ansvar for å sikra tilfredsstillande tilgang på tenester frå dyrehelsepersonell innanfor ordinær arbeidstid og ansvar for å organisera ein klinisk veterinæravakt utanom ordinær arbeidstid.

037/2018: Etablering av felles NAV-kontor saman med Masfjorden kommune og Gulen kommune.

Behandling:

Assisterande rådmann Ove Sæbø orienterte om saka og svara på spørsmål
Samrøystes vedteke

Vedtak:

1. **Modalen kommune tek del i felles NAV-kontor saman med Gulen kommune og Masfjorden kommune gjennom ein vertskommuneavtale etter kommunelova § 28. Masfjorden kommune vert vertskommune.**
2. **Modalen kommune er positiv til at også Fedje kommune og Austrheim kommune tek del i felles NAV-kontor saman med kommunane Modalen, Masfjorden og Gulen.**
3. **Organisering av nytt NAV-kontor vil komme fram av ny partnerskapsavtale.**
4. **Nytt NAV-kontor for kommunane Gulen og Masfjorden er planlagt frå 01.11.18, med oppstart 01.01.19. Modalen kommune sluttar seg til denne framdriftsplanen.**
5. **Det skal vere min. 1 dag i veka kor NAV-kontor i Modalen skal vere bemanna slik at kommunen sine brukarar kan komme innom, evt. etter avtale.**

Modalen kommune stiller kontor/møterom til rådvelde.

6. **Tenestene som inngår i nytt felles NAV-kontor tilsvarer minimumstenester, jfr. § 13 i Lov om sosiale tenester. Disse omfattar:**

- **Opplysning, råd og rettleiing, herunder økonomisk rådgjeving.**
- **Økonomisk stønad til livsopphald.**
- **Mellombels butilbod.**
- **Individuell plan.**
- **Kvalifiseringsprogrammet.**
- **Aktivitetsplikt.**
- **Gjeldsrådgjeving.**

Samkøyring av tenester utover basistenestene med utgangspunkt i kva kommunane sjølve finn mest fordelaktig kan finne stad i fortsetjinga.

038/2018: Oppgradering av fellesareal Modalstunet

Behandling:

Orientering v/ teknisk sjef Tone S. Skuggevik.

Sigmund Vikane: bør vurdere å redusere kostnader til konsulent.

Håvard Engeseth: bør vurdere å be om nytt tilbud som skal løysast innanfor opprinneleg ramme.

Linda Neset: vil fremme forslag om å halde seg innanfor opprinneleg ramme.

Sigmund Vikane: føreslår ramme på kr. 1 700 000,-.

Ordføraren tok Linda Neset og Sigmund Vikane sine framlegg opp til votering.

Linda Neset sitt framlegg fekk 5 stemmer:

- Frank Stian Steinsland
- Håvard Engeseth
- Robert Helland
- Ann-Jorunn Farestveit
- Linda Neset

Sigmund Vikane sitt framlegg fekk 7 stemmer:

- Tom K. Thorsen
- Kristin Nåmdal
- Anne B Almelid
- Liv Anne Aanesen
- Kjetil Eikefet
- Roger Fure
- Sigmund Vikane

Vedtak:

Det vert gjort ei ekstraløyving på kr 200 000,- til prosjektet oppgradering av fellesstova og arbeidsstova på Modalstunet. Samla løyving vert då kr 1 700 000,-

039/2018: Søknad 2 om tilleggsopptak for startlån for vidareutdeling 2018

Behandling:

Assisterande rådmann Ove Sæbø orienterte om saka
Samrøystes vedteke

Vedtak:

Modalen kommune søker Husbanken om kr. 2 470 000,- i tilleggsløyving til vidarefordeling av startlån og tilskot i 2018.
